



**IBARRAKO UDALA**  
(Gipuzkoa)  
Euskal Herria

## **2017KO OTSAILAREN 10EAN TOKIKO GOBERNU BATZARRAK EGINDAKO OHIKO BILKURA**

### **Etorri diren batzordekideak:**

**Mikel Agirrezabala Ezkurdia**

**Miren Itziar Arratibel Imaz**

**Jexus Peñagarikano Labaka**

Arkaitz Fraile Quijera

Etorri diren zinegotziak:

Jon Mikel Iglesias Otegui

**Idazkaria:** Naia Ruiz de Eguino Garcia-  
Echave

Ibarran 2017ko otsailaren 10ean udaletxeko bilera-aretoan, goizeko hamarrak direnean Tokiko Gobernu batzarrak bilera egin zuen eta alboan adierazitako jaun-andreak elkartu ziren ohiko bilkura egiteko asmoz, horretarako deituta baitzeuden

Egintzaren buru Mikel Agirrezabala Ezkurdia Alkate izan zen eta Bitarteko Idazkari lanetan Naia Ruiz de Eguino

Udalburuak egintza ireki dela adierazi ondoren, bilkura honetarako ditugun gaiak aztertu eta eztabaidatu dira eta honako erabaki hauek hartu dira

### **LEHENA:**

#### **1.2017KO URTARRILAREN 13KO AKTAREN ONARPENA**

2017ko urtarrilaren 13an eginiko Gobernu batzarraren akta irakurri ondoren, hona Tokiko Gobernu Batzordeak, aho batez, harturiko

#### **ERABAKIA**

**BAKARRA:** Onartzea 2017ko urtarrilaren 13an eginiko Gobernu Batzarraren akta



**IBARRAKO UDALA**  
(Gipuzkoa)  
Euskal Herria

## **BIGARRENA:**

### **2.- 2017KO URTARRILAREN 10EAN BURUTURIKO PERTSONAL BATZORDEAREN IRIZPENEN ONARPENA**

#### **2.1 2017 URTERAKO LAN-EGUTEGIAK ONARTZEA**

Pertsonal Batzordean, 2017 urterako lan-egutegiak aurkezten dira.

2017ko urtarrilaren 10ean buruturiko Pertsonal Batzordearen irizpena kontutan izanik hona Tokiko Gobernu Batzordeak, aho batez, harturiko

#### **ERABAKIA**

**BAKARRA:** Onartzea 2017 urterako aurkeztu diren lan-egutegiak

#### **2.2 UDALTZAIN BI AGENTE LANPOSTU LEHIAKETA-OPOSIZIO BIDEZ BETETZEKO OINARRIEN ALDAKETA**

2016ko urriaren 28an Tokiko Gobernu Batzordeak egindako bilkuran onartu ziren udaltzain bi agente lanpostu lehiaketa-oposizio bidez betetzeko oinarriak.

3.b) atalean esaten zen “Agente-mailan sarrera izateko, 18 urte beteak behar dira baina 35 bete gabe. Alabaina, Udaltzaingoan sartzeko, goiko adin muga, udaltzain lanetan Herri-administrazioan eskainitako zerbitzuekin konpentsatu ahal izango da”.

Kontuan hartuta Europako Justizia Auzitegiak 2016ko azaroaren 15eko sententzian Ertzantzan sartzeko 35 urteko adin muga berresten duela, baina sententzia beran aipatzen duela Auzitegi honek 2014ko azaroaren 13an emandako beste sententzia bat. Azkeneko honetan esaten zuen Udaltzaingoan kasuan ez dela adin muga hori aplikatu behar, baldin eta egin beharreko funtzioak adin muga hori jartzea behartzen ez badute behintzat.

Hori horrela, 3.b) atalak horrela esan behar du “ 18 urte beteta izatea eta nahitaezko erretiroko gehieneko adina ez gainditzea”.

Gaitegian, I eranskinean aldaketa hauek giten dira:



**IBARRAKO UDALA**  
(Gipuzkoa)  
Euskal Herria

29. Gaiaren izenburua aldatzen da eta "Udal ordenantza, terrazak bide publikoan jartzearregulatzen duena"ren ordez, horrela geratzen da "Taberna, kafetegi, jatetxe eta antzekoak kokatu eta jartzeko udal ordenantza".

35. gaia kendu egiten da, eta "Genero indarkeria eta sexu erasoak bizi dituzten emakumeei arreta hobea emateko jarduera protokoloa"ren ordez "Hiritar izaerako herri bideen erabilera eta horietako trafikoa, zirkulazioa eta segurtasuna ordenantza" jartzen da.

2017ko urtarrilaren 10ean buruturiko Pertsonal Batzordearen irizpena kontutan izanik hona Tokiko Gobernu Batzordeak, aho batez, harturiko

### **ERABAKIA**

**LEHENA:** Onartzea bi agente lanpostu lehiaketa-oposizio bidez betetzeko oinarrien aldaketa hauek:

3.a) atala aldatu eta horrela jarri: " 18 urte beteta izatea eta nahitaezko erretiroko gehieneko adina ez gainditzea".

Gaitegian, I eranskinean aldaketa hauek egitea:

29. Gaiaren izenburu aldatu eta horrela jarri "Taberna, kafetegi, jatetxe eta antzekoak kokatu eta jartzeko udal ordenantza".

35. gaia kendu eta horren ordez "Hiritar izaerako herri bideen erabilera eta horietako trafikoa, zirkulazioa eta segurtasuna ordenantza" jartzea.

**BIGARRENA:** Deialdi hau eta bere oinarriak Gipuzkoako Aldizkari Ofizialean argitara ematea.

### **HIRUGARRENA:**

## **3.- 2017KO OTSAILAREN 3AN BURUTURIKO HIRIGINTZA BATZORDEAREN IRIZPENEN ONARPENA**

### **3.1 IBARRAKO ARRISKU GUNEEN ZERRENDIA**



**IBARRAKO UDALA**  
(Gipuzkoa)  
Euskal Herria

2015eko urriaren 2an egindako bileran Ibarra zeuden gune arriskutsuen zerrenda adostu eta osatu zen. Bileraren helburua Ibarra herriaren gune arriskutsuen zerrenda osatzea zen, ebaluatu eta neurriak hartzeko.

Orain arrisku guneen zerrenda eguneratzea eta egindako lanen jarraipena egitea beharrezkoa ikusi da, 2015ean egindako arriskuen zerrenda eta egindako lanak kontuan hartu ondoren.

### ERABAKIA

**LEHENENGOA:** Ondorengo taulan agertzen diren arrisku guneak desagertzeko edo arriskua gutxitzeko neurriak hartzea eta lan horiei lehentasuna ematea.

**BIGARRENA:** Zerrenda jakinaraztea obra eta zerbitzuak saileko arduradunari eta brigadako buruari.

| KOKAPENA                        | ARRISKU TIPOA                   | SOLUZIO PROPOSAMENA  | KOMENTARIOAK  |
|---------------------------------|---------------------------------|--|---|
| EMETERIOKO HAURRESKOLA ESTALKIA | ALTUERAKO ERORKETA              | Igotzeko debekua seinalizatu   | Neurriak hartuta ere, haurrak eta nerabeak estalki gainean ibiltzen dira.<br><b>DEBEKUAREN SEINALEA</b>   |
| GURIDI                          | ALTUERAN ERORTZEA >6M           | Igotzeko debekua seinalizatu eta zailtzeko neurriak.<br>Señalizazioa.<br>Hercules hesi metalikoa   | <b>EGITEKO</b><br>( Aurrekontuak eskatuta.Haurrak inguruan dabilzala eta arriskuaren berri emanez idatzi berri bat sartu da aurten. )   |
| SAN INAZIOKO FRONTOIA           | ALTUERAN ERORTZEKO              | Zuloa tapatzeko barandilla   | <b>EGITEKO</b>  |
| HILERRIRAKO BIDEA               | ERORTZEA TALKAK                 | Arazo larriena bidea erabiltzen duten motoak gainera zorua altxatzen dute.<br>Euri urak bideratzerik dagoen aztertu sortzen diren ur putzuak kentzeko. | <b>EGITEKO</b><br>Motoei bidea oztotatzeko zig zag baranda jartzea aztertu eta goiko urak Leaburuko bidera eramateko aukera aztertu.<br><br>Urtero Santu guztien egunerako lurtean antideslizantea errebisatu |
| GURUTZEAGA OTARREAGA            | IBILGAILUEN ETA OINEZKOEN TALKA | <b>ZEBRABIDEA LEKUZ ALDATU</b>   | <b>EGITEKO</b><br>(2017an Aldundiarekin aztertze kokapen berria)  |
| HAUR PARKEAK                    |                                 | Jokoen Mantenimendua eta Berritzea. Kartelak. Lurzoruak. Inguruaren segurtasuna ere aztertu  | 2017rako Danon txoko  |
| TOLOSA IBARRA 3, MOJOIA         | IBILGAILUEN ETA OINEZKOEN TALKA | Espaloia estuegia  | <b>EGITEKO (Tolosa)</b><br>Tolosako udalarekin harremanetan jarri eta zabaltzeko proposamena luzatu.Irudikatu eta bizilagunei azaldu egoera.  |
| EUSKALERRIA 8                   | IBILGAILUEN ETA OINEZKOEN TALKA | oinezkoentzako pasoa jarri Danon Txokoren parean.  | 2017 an <b>EGITEKO</b> zebraidea puntu horretan egin  |



**IBARRAKO UDALA**  
(Gipuzkoa)  
Euskal Herria

|                                   |                                    |  |   |
|-----------------------------------|------------------------------------|--|---|
|                                   |                                    |  | nahi da.  |
| EUSKALERRIA 20<br>(laborala)      | IBILGAILUEN ETA<br>OINEZKOEN TALKA | Dagoen oinezkoen pasoa errespetatzeko neurriak hartu. Berlinesa eta ispilu bikoitzak jarri | 2016 urtean berlinesak jarri eta kendu ziren.<br>Arazoa jarraitzen du, bereziki ibilgailuen abiadurarengatik.<br>NEURRI BERRIAK BEHARKO DIRA. |
| LEABURUKO BIDEA                   | KOLPEAK ETA<br>TALKAK.             | Kamioi handiak (xTn ?) ez pasatzeko debeku seinalea jarri.                                 | ALDUNDIARI ESKATU GARRAIO<br>ASTUNAK PASATZEKO<br>DEBEKUA.  |
| EUSKALERRIA 2                     | IBILGAILUEN ETA<br>OINEZKOEN TALKA | Oinezkoak ez pasatzeko baranda jarri   | EGITEKO   |
| EUSKALERRIA 51<br>GURIDI 1        | IBILGAILUEN ETA<br>OINEZKOEN TALKA | Oinezkoak ibilgailuak ikusten ez dituzten tokian pasatzen dira..                           | EGITEKO<br>Guridi auzoaren asfaltatze lanekin batera aztertu zebra-bidearen egokitasuna.  |
| ITURBURU<br>GAIARRE<br>(TOKI ONA) | IBILGAILUEN ETA<br>OINEZKOEN TALKA | Arrisku seinaleak eta argiteria konprobatu   | Izaskunerako bidearen hasiera zabaltzeko aukerak aztertu  |
| GAZTETXEA                         | NOIZBEHINKAKO<br>OKUPAZIO ALTUA    | EBAKUAZIO PLANA.   | LAUTALANERI GALDETU   |
| KIROLDEGIA                        | NOIZBEHINKAKO<br>OKUPAZIO ALTUA    | EBAKUAZIO PLANA.   | LAUTALANERI GALDETU   |
| APATTA KALEA                      | ERREKARA ERORI                     | Egurrezko baranda eskalablea da  | Egokitu( adb. sarea jarri)  |
| EMETERIO 9-11                     | ERORTZEA                           | Espaloiairen ertzean baranda falta   | EGITEKO   |

**3.2 JULIAN GAIARRE 23. ETXABEAREN INGURUKO KONTSULTARI ERANTZUNA**

*Urtarrilaren 27an posta elektronikoz, Lander Arregi aparejadoreak, Ibarako Udalari kontsultatzen dio Julian Gaiarre 23ko behe eskuinean dagoen lokalean etxebizitza egiteko aukerarik duen.*

*Udal arkitektoak honen inguruan aurkako txostena aurkeztu du.*

*2017ko otsailaren 3an buruturiko Hirigintza Batzordearen irizpena kontutan izanik hona Tokiko Gobernu Batzordeak, aho batez, harturiko*

**ERABAKIA**

**LEHENENGOA:** *Julian Gaiarre 23an behe eskuinean dagoen lokalean etxebizitza erabilera aukera ez onartzea "Ibarako bizitokietako behe oinetako lokaletan erabilera*



**IBARRAKO UDALA**  
(Gipuzkoa)  
Euskal Herria

*berriak baimentzeko ordenantzan (GAO 228, 2014ko azaroaren 28an argitaraturikoa) jasotakoa betetzen ez duelako.*

*Bereziki ezezkoa ematerakoan kontuan hartu da, lokalak ez duela betetzen argizatze eta aireztatze arloko ondorengo baldintza orokorra:*

*4. Art.Aplikazio eremua. Etxebizitza erabilerarako lokalak bi aurrealde gutxienez izango ditu eraikitako sestratik gora 1,20m eraikinaren perimetroan.*

**BIGARRENA:** *Erabaki honen berri ematea Lander Arregi jaunari.*

### **3.3 01 765 PARTZELAN OILOTEGI BAT JARTZEKO KONTSULTARI ERANTZUNA**

2016ko abuztuan Joxe Angel Urruzola 01-765 partzelan oilotegi bat eraiki ahal izateko konstulta aurkeztu zion Ibarra udalari, honako helburuarekin: Urtean 1700 oilo salmentarako gizentzeko.

2016ko irailaren 12an Ekonomia Sustapeneko, Landa inguruneke eta Lurralde Orekako departamentuari txosten eskaria bidali zitzaion nekazaritza gaian eskumena duen foru-sailaren aldez aurreko baimena jasotzeko.

Orain arte ez da erantzunik jaso.

Kontsulta aurkeztu duen herritarrak udal arkitekto eta ingurumen teknikariarekin bildu izan da gaia azaltzeko.

Udal arkitektoak eta ingurumen teknikariak kontrako txostena egin dute.

Txostenak azterturik hau da Hirigintza batzordeak, aho batez, emaniko

2017ko otsailaren 3an buruturiko Hirigintza Batzordearen irizpena kontutan izanik hona Tokiko Gobernu Batzordeak, aho batez, harturiko

### **ERABAKIA**

**LEHENENGOA:** Ibarra 01 765 partzelan 2016 abuztuan aurkezturiko kontsultan jazotzen den proposamenari ezezkoa ematea ondorengo arrazoiengatik:

Ukuiluak arautzen dituen 515/2009 , irailaren 22ko araudian, abeltzaintza ustiaketen higie eta osasun baldintzak nahiz ingurumen arloko baldintzak ezartzen dituen



**IBARRAKO UDALA**  
(Gipuzkoa)  
Euskal Herria

horretan, abeltzaintza ustiaketa berriak etxebizitzetako beharrezkoak diren distantziak betetzen ez dituelako.

01 765 partzelaren ezaugarriak, malda, azalera eta geometriak ez dutelako ahalbidetzen eraikina eta zamaanak egiteko espazioa baldintza egokitan ordenatzea.

**BIGARRENA:** Erabaki honne berri ematea Joxe Angel Urruzola jaunari.

### **LAUGARRENA:**

#### **4.- BERDINTASUN GABINETEA KONTRATATZEKO PUBLIZITATERIK GABEKO PROZEDURA NEGOZIATUAREN BALDINTZA ADMINISTRATIBO ETA TEKNIKOEN PLEGUEN ONARPENEA**

Ibarrako Udalak Emakumeen eta Gizonen Berdintasunerako lengo Plana onartu zuen 2016ko azaroaren 24ko Ohiko Udalbatzan ( 2016ko azaroaren 11ko Gizarte Politika eta Politika Feminista eta aniztasun Batzordearen irizpena kontutan izanik)

Plan honen bidez Ibarrako emakume eta gizonezkoen egungo egoeran diagnostikoa egin zen (2017-2020 urteetan indarrean egongo den plana zehazten da) eta honen egikaritzea Elhuyar Aholkularitzak burutu zuen, Ibarrako Udalak eskaera jarraituz eta Politika Feminista eta aniztasun sailaren laguntza izanik.

Helburua, Ibarrako Udalak herritarren egoera hobetu eta bereziki genero arteko aldeak gutxituz berdintasunean oinarrituriko gizarte bat lortzeko pausuak aurrera eramatea da. Bestalde, ekimen honekin, Ibarrako Udalak berdintasun arloan lan egiten ari diren beste herrieekin bat egiten da. Plan hau gauzatzea eta aurrera eramateko pertsonal espezializatua izatea beharrezkoa da eta egun Ibarrako Udalak ez du baliabiderik horregatik berezko garrantzia du Berdintasun Bulego bat kontratatzea.

Tokiko Gobernu Batzordeak, aho batez, harturiko

### **ERABAKIA**

**LEHENENGOA:** Onartzea Berdintasun Gabinetea kontratatzeko, publizitaterik gabeko prozedura negoziatua erabiliz, pleguak.

**BIGARRENGOA:** Hiru enpresei gonbidapenak egitea Berdintasun Gabinetea kontratatzeko prozesuan parte hartu dezaten.



**IBARRAKO UDALA**  
(Gipuzkoa)  
Euskal Herria

## **BERDINTASUN GABINETEA KONTRATATZEA PUBLIZITATERIK GABEKO PROZEDURA NEGOZIATUA.**

### **BALDINTZA ADMINISTRATIBO ETA TEKNIKO ZEHATZEN AGIRIA**

#### **I.- KONTRATUAREN EDUKIA**

##### **1.- KONTRATUAREN XEDEA**

Ibarrako Udalaren berdintasunaren alorrean dituen beharrak asetzeko Berdintasun Bulego baten kontratazioa. Zerbitzu honen helburu nagusia Ibarrako Emakumeen eta Gizonen Berdintasunerako I. Plana garatzea izango da.

Honako jarduerak burutu beharko dira:

1. UDAL FUNTZIONAMENDUA
  - a. Udal –egituraren organigraman gaia kokatzea
  - b. Saitetako arduradunei koordinazio bileretan gai modura txertatzea Ibarrako Emakumeen eta Gizonen Berdintasunerako I. Plana baliabideak emanaz
2. HERRITARREKIKO
  - a. Herritarrekin oro har eta emakumeekin bereziki hartu emana izateko eta elkarrekin lan egiteko gunea sortzea
3. ZERBITZUAREN BALDINTZAK
  - a. Zerbitzua Ibarrako Udalean eman beharko da
  - b. Astero 12 ordu egin beharko dira. Gutxienez 6 ordu presentzialak izango dira (Ibarrako Udalean lan egin beharrekoak).

##### **2.- KONTRATUAREN IRAUPENA**

Prestazioa eskaintzeko guztizko epea BI URTEKOA izango da. Beste bi urte berritzeko aukerarekin, urtez urte.

##### **3.- KONTRATUAREN IZAERA ETA MOTA, ETA ARAUBIDE JURIDIKOA**

Kontratuaren xedea kontuan hartuz, eta azaroaren 14ko 3/2011 Legegintzako Errege Dekretuak, Sektore Publikoetako Kontratuen Legearen Testu Bategina- SPKLTB-





**IBARRAKO UDALA**  
(Gipuzkoa)  
Euskal Herria

onartzen duenak 10 eta 19 art.etan xedaturikoari jarraiki, administrazioko zerbitzu kontratu bat da.

Kontratua publizitaterik gabeko prozedura negoziatu bidez esleituko da, SPKLko 138, 142 eta 169. artikuluetan adierazi eta arautzen den bezala.

Kontratua arautuko duen legeria:

- a) Plegu honetan eta plegu teknikoan jasotako baldintzak.
- b) Azaroaren 14ko 3/2011 Legegintzako Errege Dekretua, Sektore Publikoko Kontratuen Legearen Testu Bategina onartzen duena, aurrerantzean SPKLTB.
- c) Indargabetu gabeko Urriaren 12ko 1098/2001eko Errege Dekretua, Herri Administrazioetako Kontratuen Legearen Erregelamendu Orokorra onartzen duena.
- d) Maiatzaren 8ko 817/2009 Errege Dekretua, urriaren 30eko 30/2007 Sektore Publikoko Kontratuei buruzkoa partzialki garatzen duena.
- e) Administrazio kontratazioa arautzen duen estatuko nahiz Autonomia Erkidegoko foru edo tokiko aplikagarri den bestelako xedapenak.
- f) Kontratu honi zuzenean nahiz zeharka eragin liezaiokeen edozein mailako beste xedapen bat.

Aurkakotasuna balego Plegu ekonomiko-administratibo honen eta kontratazio espedientean jasotako gainerako agirien artean, plegu honek aginduko du, alderdi teknikoetan izan ezik, horietan Baldintza Teknikoen Pleguak aginduko baitu.

Administrazioarekiko auzien jurisdikzioa baliatuko da kontratua dela-eta sor daitezkeen auzietarako.

#### **4.- KONTRATUAREN PREZIOA**

Kontratuaren prezioa gehienez 64.000 € izango da BEZ barne (4 urteak kontutan hartuz). Eskatzaileek diru-kopuru hori hobetu dezakete.

Prezio horretan sartuta daude zerbitzua aurrera eramateko sortzen diren gastu guztiak (beharrezkoa den pertsonalaren soldatak, Gizarte Segurantzako kotizazioak, administrazio kostuak, langileen dietak, inbentariagarria ez den materiala..., hau da, udalak bere gain plegu honetan espresuki hartzen ez dituen gastu guztiak.)

Adjudikazio-hartzailea BEZa ordaintzetik salbuetsita baldin badago, behar bezala ziurtatu beharko du eta zenbateko hori ez da eskaintzan sartuko.

#### **5.- FINANTZABIDEA**



**IBARRAKO UDALA**  
(Gipuzkoa)  
Euskal Herria

Kontratuaren prezioa ordaintzeko behar beste diru jarri da udal aurrekontuan.

## **6.- ORDAINTZEKO MODUA**

Ordainketak prozedura honi jarraituz egingo dira:

Urteko prezioa 16.000 euro (BEZ barne) izango dira. 12 hilabetetan ordainduko dira (hilero 1.333,33 € ) esleipendunak fakturak elektronikoko egoki aurkeztuaz bat.

## **7.- ESKAINTZAK ESKATZEA**

7.1.- Enpresa lizitatzailleak.- SPKLko 178. artikuluari jarraituz, Ibarra Udalak eskaintzak eskatu ahalko dizkie kontratu hori egiteko gai diren hiru enpresari edo gehiagori. Eragin horretarako, gai joko dira jarduteko gaitasun erabatekoa duten pertsona natural edo juridiko espainiarrak edo atzerritarrak, baldin eta kaudimen ekonomiko, finantzario eta tekniko edo profesionala egiaztatzen badute eta ez badute SPKLko 60. artikuluan jasotako debekuetako bakar bat ere.

Eskaintzaren bat aurkezteak esan nahi du lizitatzailleak baldintzarik gabe onartzen dituela agiri honetako klausulak, eta adierazpen erantzulea ere bada, Administrazioarekin kontratua egiteko behar diren baldintza guzti-guztiak betetzen dituela adierazten duena.

7.2- Eskaintzak.- Enpresaburuei, ahal den guztietan, eskaerak idatziz eskatuko dizkie kontratazio organoak.

## **8.- BERMEAK**

### Behin-behineko bermea

Ez dago.

### Behin betiko bermea

Eskaintza ekonomiko hoberena aurkeztu duen lizitatzailleak, ezarritako betebeharrak betetze aldera, behin betiko bermea ezarriko du, hain zuzen, adjudikazio zenbatekoaren %5ari dagokiona, BEZ sartu gabe.

Berme hori ezartzeko epea bost egunekoa izango da, behin-behineko adjudikazioaren iragarkia egiten denetik kontatzen hasita eta Sektore Publikoaren Kontratu Legearen Testu Bateginak, azaroaren 14ko 3/2011 Legegintzako Errege Dekretuak onartuak, 96.1 art.an ezarritako edozein modutan ezar daiteke.



**IBARRAKO UDALA**  
(Gipuzkoa)  
Euskal Herria

Bermea itzultzea, Sektore Publikoko Kontratuen Legearen Testu Bateginak, azaroaren 14ko 3/2011 Legegintzako Errege Dekretuak onartuak, 102 art.an ezarritako moduren batean egingo da, behin berme epea igarota eta adjudikatzailerak kontratu betebeharrak guztiak bete ondoren.

## **9. KONTRATUAREN HIZKUNTZA IRIZPIDEAK**

EAEko hizkuntza ofizialei dagokionean ondoren betebeharrak zehazten dira:

### **9.1. Hizkuntza paisaia:**

Errotuluak, oharrak, seinaleak eta gainerako komunikazio orokorrak piktograma bidez egingo dira eta euskarazko azalpen mezua izango dute ondoren.

Piktograma bidez egin ezin direnean, euskaraz egingo dira mezuek ezagunak edo ulergarriak direnean.

Aurreko bi kasuak ezinezkoak direnean, elebitan egingo dira euskarari lehentasuna emanez, betiere administrazioarekin aldeztu aurretik adostuta.

### **9.2. Erabilera herritarrekin:**

Zerbitzuaren erabiltzaileari harrera eta erantzuna administrazioari eskatzen zaizkion hizkuntza baldintza berdinetan egingo dira.

Administrazioak onartutako hizkuntza-irizpideei jarraituz, herritarrekin ahozko harremana (lehen hitza, telefonoz, erantzungailuan, aurrez aurrekoan, bozgorailutik, bileretan...) euskaraz egingo da.

Modu berean, era guztietako jakinarazpen eta komunikazioak (inprimakiak, oharrak, abisuak, ordutegiak, fakturak eta salerosketako bestelako agiriak...) euskaraz egingo dira. Herritarrak eskatzen duenean, euskaraz eta gaztelaniaz egingo dira, euskarazkoari lehentasuna emanez.

Zerbitzua ematean erabiltzen diren euskarazko testuak zuzenak eta egokiak izatea bermatuko du kontratatutako enpresak. Hori ziurtatzeko, zabalpen handiko testuak edota behin eta berriz erabiltzekoak Udaleko Euskara zerbitzura eramango dira, zuzentasuna egiaztatzeko eta, maila desegokia balitz, enpresari eskatuko zaio bere kontura zuzentzea.

### **9.3. Erabilera administrazioarekin:**



**IBARRAKO UDALA**  
(Gipuzkoa)  
Euskal Herria

Kontratu egileak aukera izango du kontratu mota honen bidez sortzen diren ahozko zein idatzizko komunikazio mota guztiak (kontratu, faktura, txosten, bilera, kontsultak...) euskaraz eskatzeko esleipendunari.

Baldintza horiek kontraturako funtsezko betebeharrak dira, eta beraz, SPKLTaren 118.2. artikulua araberaz, baldintza horiek ez betetzeak kontratua etetea eragin dezake, 223. F) artikuluan adierazi bezala.

## **10.- KONTRATAZIO ORGANOA**

Zerbitzu honen kontratazioa Alkatetzak esleituko du, dekretu bitartez.

## **II.- KONTRATATZEKO PROZEDURA**

### **11.- ADJUDIKATZEKO PROZEDURA**

Kontratu hau publizitaterik gabeko prozedura negoziatu bidez adjudikatuko da, Sektore Publikoko Kontratuen Legeak 169 eta 174. artikuluetan ezarritakoaren arabera, lege horretako 174 e) artikuluan agertzen den egoera bera baita.

Irizpide hauexek izango dira kontratua adjudikatzeko oinarri, garrantziaren eta puntuazioaren arabera ordenatuta:

#### **I.- Eskaintza ekonomikoa: (51 puntu).**

A:- Eskaintza ekonomiko hoberenari 51 puntu emango zaizkio eta beste proposamen guztiei honako formula honen arabera emango zaizkie puntuak:

$$X = (\text{esleipenaren prezioa} / Y) / (\text{esleipenaren prezioa} / Z) * 51$$

X= lorturiko emaitza

Y= baloratu behar den eskaintzaren prezioa

Z= eskaintza onena

B: :- Eskaintza ekonomiko hoberenari emango zaio puntuazio handiena eta zero puntu lizitazio prezioari. Gainerako eskaintzen puntuazioa izango da biderketa honen emaitza: eskaintza ekonomiko baxuenaren eta lizitatuzailearen eskaintzaren arteko koefizientea bider irizpideari aplikagarri zaizkion puntuak, hau da,

Ob x Z



**IBARRAKO UDALA**  
(Gipuzkoa)  
Euskal Herria

OI

Ob da eskaintza ekonomiko baxuena eta OI lizitatzaillearen eskaintza; Z aplikagarri diren gehienezko puntuak irizpidean.

## **II.- Txosten teknikoa. (40 puntu)**

a.- Marko teorikoa eta proiektuaren helburuak. Aurkezten duten proiektua eta Ibarako Udalaren helburuen arteko lotura. Ibarako herriaren espirituarekin bat datorren berdintasun proiektua

b.- Lan-metodologia: 1. Helburuen, prozesuen eta emaitzen ebaluazio adierazleak. Ebaluazio prozedurak eta euskarriak. 2. Dinamizatzaille eta udalaren arteko koordinazioa eta formazio proposamena. 3. Udalarekiko eta herriko eragileekiko koordinazio proposamena 4. Herritarren parte- hartzea sustatzeko proposamena.

c. Zeharkako lerroak jorrazteko kalitatea eta gaurkotasuna. 1. Generoen arteko elkarbizitza bermatzeko proposamena. 2. Euskararen erabilera bermatzeko proposamena. 3. Bizikidetzeta eta aniztasuna bermatzeko proposamena.

## **III.- Hobekuntzak (10 puntu)**

Originaltasuna.

Segurtasun juridiko eta pribatutasuna babestea

Aipatutako irizpideak eta kontratuari lotutako beste edozein alderdi ekonomiko, tekniko edo logistiko negoziatuko da parte-hartzaileekin.

## **12.- KONTRATATZEKO AHALMENA ETA KAUDIMENA**

Kontratazio prozedura honetan, pertsona natural edo juridikoek parte hartu ahalko dute, baldin eta ahalmen juridiko eta jarduteko gaitasun osoa badute, kaudimen finantzario eta tekniko edo profesionala egiaztatzen badute, eta Sektore Publikoko Kontratuen Legeak 60. artikuluan ezartzen dituen ezintasun edo bateraezintasunetako bat ere ez badute. Kaudimena 1. klausulako e) eta f) letretan ezarritako bideen arabera egiaztatu eta ebaluatuko da.

Kontratua beren kabuz egin ahal izango dute, edo beste pertsona batek ordezkatuta, horretarako emandako ahalmenaren bidez. Pertsona juridiko baten ordezkarri gisa horko kideren batek parte hartu badu, horretarako ahalmena duela egiaztatu beharko du, agirien bidez. Hala, kasu batean nola bestean, ordezkaritari ere eragingo diote lehen adierazitako kontratatzeke ezintasunek.



**IBARRAKO UDALA**  
(Gipuzkoa)  
Euskal Herria

Administrazioarekin eta hirugarrenekin harremana duten neurrian, kontratatutako enpresako langileek administrazioak berak bete behar lituzkeen pareko baldintzak bermatu beharko dituzte, hizkuntza gaitasunei dagokienez; horregatik, eman beharreko zerbitzuen izaera kontuan izanik, langileek Europako Erreferentzia Markoaren C1 gaitasun maila izatea eskatuko da.

Kontratua esleitu aurretik egiaztatu beharko du enpresak zerbitzua emango duten pertsonak badutela eskatutako hizkuntza gaitasuna.

Era berean, enpresa kontratatu eta geroago zerbitzua emango duen pertsona berriak sartuko balitz, horiek ere eskatutako hizkuntza gaitasuna egiaztatu beharko dute.

Hizkuntza gaitasuna egiaztatzeko honako bi bideak erabili ahal izango dira:

1. Zerbitzua eman behar duten pertsonak eskatutako hizkuntza gaitasuna daukatela ziurtatzen duen agiria aurkeztea edo,
2. Administrazioak erabakitako proba egitea .

Subrogazio kasuetan, langileek eskatutako hizkuntza-gaitasuna betetzen ez badute, kontratua euskaraz gauzatu ahal izateko, beharrezko neurriak adostuko dira herritarren eta bezeroen hizkuntza eskubideak bermatze aldera.

### **13. ESKAINTZAK AURKEZTEA ETA PARTE-HARTZAILEEKIN NEGOZIATZEA**

Prozedura honetan parte hartzeko proposamenak ezarritako epean aurkeztu beharko dira.

**Proposamen horiek Ibarako Udaletxeko erregistro orokorrean aurkeztuko dira, San Bartolome Plaza 2 zk.an, astelehenetik ostiralera 9:00etatik 14:00ak arte.**

Epez kanpo aurkezturiko proposamenak ez dira onartuko, nahiz eta jasota gelditu postetxean aurkeztu zirela epea amaitu aurretik, ez bazaio kontratazio organoari bidaltzen telex edo telegrama bidez eskaera egin zeneko egunaren egiaztageria, postaz bidali zeneko egunarena.

Kontratazio honetako espedientea eta horri lotutako dokumentazio teknikoa Administrazio honetako Idazkaritzan aztertu ahalko da, 09:00etatik 13:30era, lanegun guztietan, eskaintzak aurkezteko epe osoan.

Eskaintza horiek adierazitako toki eta ordu berean aurkeztuko dira, gutun-azal itxi baten barruan. Gutun-azal horretan, honako hau idatziko da: **“BERDINTASUN GABINETEA KONTRATATZEKO PUBLIZITATERIK GABEKO PROZEDURA**



**IBARRAKO UDALA**  
(Gipuzkoa)  
Euskal Herria

**NEGOZIATUAN PARTE HARTZEKO ESKAINTZA**". Dokumentu hauek izango ditu barruan:

a) Parte-hartzailearen edo haren ordezkariaren nortasun agiriaren fotokopia. Gainera, beste pertsona edo erakunderen baten ordezkari gisa jarduten bada, notario-ahalordea ere aurkeztu beharko da.

b) Lizitzailea pertsona juridikoa denean, Merkatu Erregistroan behar bezala inskribatutako eratzeko edo aldatzeko eskritura aurkeztu beharko da, halakorik bada, eta identifikazio fiskaleko zenbakia eman beharko da, aplikatzeko den merkatu legediaren arabera inskribatuta egon behar badu. Hala ez bada, eskritura edo eratzeko dokumentu bidez, estatutu edo sortze egintza bidez egiaztatuko da jarduteko ahalmena. Agiri horiek, beharrezkoa izanez gero, dagokion erregistro ofizialean inskribatuta egongo dira eta jardueraren arauak agertuko dira bertan. Espainiarrak ez baina Europar Batasuneko estatu kideetako nazionalitatea duten enpresaburuak badira, kokatuta dauden estatuko legediaren arabera dagokion erregistroan inskribatuta daudela egiaztatu beharko dute, edo zinpeko aitortpena edo ziurtagiria aurkeztu, Europar Batasunean aplikatzekoak diren xedapenen arabera.

c) Berriazko adierazpen erantzulea, Sektore Publikoko Kontratuaren Legeko 60. artikuluan, Azaroaren 14ko 3/2011 Legegintzako Errege Dekretuak onartua (I ERANSKINA), agertzen diren kontratatzeko debekuetako bakar bat ere ez dutela adierazten duena. Halaber, espresuki adieraziko da indarrean dauden xedapenetan ezarritako zerga betebeharrak guztiak eta Gizarte Segurantzarekikoak egunean dauzkatela, azken bi egoera horiek egiaztatzen dituzten agiriak aurkeztu ez badira.

d) JEZn alta emanda daudela egiaztatzen duen agiria aurkeztu beharko da, zehazki kontratuaren xedeari dagokion epigrafean alta emanda daudela, baldin eta urte horretakoa bada ziurtagiria, edo JEZren azken ordainagiria, beste kasu guztietan; bi kasuetan, zinpeko adierazpen bat aurkeztu beharko da, eskaintzaileek zerga horren matrikulan baja ez dutela eman dioena.

e) Kaudimen ekonomiko finantzarioaren egiaztagiria:

Kaudimen ekonomiko finantzarioa egiaztatuko da enpresaren urteko kontuen bidez edo haien laburpen bidez, gutxienez bi erakunde finantzarioen txostenekin batera.

f) Kaudimen tekniko edo profesionala:

- Kaudimen tekniko edo profesionala, SPKLTBaren 78 art.ak ezarritako bitartekoren baten bidez.



**IBARRAKO UDALA**  
(Gipuzkoa)  
Euskal Herria

Hautatuak izateko, enpresaburuek zerbitzuen kontratuak ematen gutxienez bi urteko esperientzia dutela egiaztatu beharko dute. Berariaz ohartarazten da hori egiaztatzeke kontratua eman den Udalaren ziurtagiria aurkeztu beharko dela.

- Kontratu honetako koordinazio lanak egingo dituenak Erdi Mailako Titulu, Unibertsitateko Diplomatura edo baliokideren baten jabe izatea eta Berdintasun alorrean gutxienez 2 urteko esperientzia izan beharko du. Koordinazio lanetan arituko denaren argiri horien kopia konpultsatuak aurkeztu beharko dira parte hartzeke eskaerarekin.

- Kaudimena frogatzeko, gainera, prozeduran parte hartzera onartutako lizitatzaleek haien proposamenetan zehaztutako baliabide materialekin eta giza baliabideekin osatuko da. Hori kontratatuari atxikiko zaio derrigorrezko izaeraz eta, beraz, SPTLTBaren 64.2 artikuluan xedatutakoaren arabera, hori betetzen ez bada kontratua bertan behera uzteko arrazoi izango da 223 f) artikuluan adierazi bezala.

- Horrela, esleipendunak, kontratua burutuko duten langileen izen-abizenak eta horien lanbide-prestakuntza adierazi beharko da.

- Langileen %100 nahitaez egiaztatu beharko dute administrazioko 3. Hizkuntza eskakizuna, dagokion ziurtagiria aurkeztuta, 263/1998 Dekretuari jarraituz. Beraz, hezkuntzako 2. Hizkuntza eskakizuna, EGA edo administrazioko 3. Hizkuntza eskakizunaren pareko beste titulu batzuk aurkeztu ahalko dira.

- Lan honetan arituko diren orok, ziurtatu beharko du ez dela sexu-askatasun eta sexu-ukigabetasunaren aurka egindako delituengatik kondenatua izan epai irmoarekin. Horretarako, Sexu delitugileen erregistroko Zentralaren ziurtagiria ekarri beharko da (uztailaren 28ko, 26/2015 legeak egindako, adingabearen babes juridikoaren urtarrilaren 15eko 1/1996 Lege Organikoaren 13.5 artikuluen aldaketa).

- Zerbitzua emango duen langilearen identifikazioa, eta hala badagokio hizkuntz gaitasunaren egiaztatzea.

g) Baldin eta hainbat enpresaburuk enpresen aldi baterako elkarte gisa parte hartzen badute lehiaketan, elkarte hori osatzen duten guztiek egiaztatu beharko dute jarduteko ahalmena eta kaudimena badutela, aurreko puntuetan ezarritakoaren arabera, eta adjudikaziodun suertatuz gero aldi baterako elkarte gisa formalki eratzeko konpromisoa agertu beharko dute. Halaber, aldi baterako elkarte horretako kide bakoitzak xedearan zein zati egingo duen adieraziko da eskaintzan, guztien kaudimen baldintzak zehaztu eta egiaztatzeke.





**IBARRAKO UDALA**  
(Gipuzkoa)  
Euskal Herria

h) Atzerriko enpresek Espainiako epaitegi eta auzitegien jurisdikzioaren pean jarriko direla dioen adierazpena aurkeztu beharko dute, zuzenean edo zeharka sor daitezkeen kontratuaren gorabehera guztietarako, eta hala behar izanez gero eskaintzaileari dagokion jurisdikzio foruari uko egingo diotela adierazi beharko dute.

i) Eskaintza baloratzeko lagungarri gerta daitezkeen agiriak, agiri honetako 12. atalean adierazitakoaren arabera.

j) Eskaintza ekonomikoa, eredu honetara egokitua:

Jauna/andrea:.....  
.....  
PK:.....NAN:.....Telefonoa:.....Helb  
ide elektronikoa:.....

Ahalmen juridiko eta jarduteko ahalmen osoz, bere izenean edo  
..... ren ordezkari gisa (helbidea:.....

PK:.....; telefonoa:..... eta NAN edo IFK (pertsone  
fisikoa edo juridikoa bada):.....), Berdintasun Gabinetean  
kontratatzeko prozedura negoziatu bidezko prozesuan parte hartzeko gonbita jaso  
dudalarik, hau .....adierazten dut

1) Konpromisoa hartzen dudala kontratua ..... euroan betetzeko  
(..... €, %.....(e)ko BEZarenak), ..... epean. Prezio horren  
barruan kontzeptu guztiak daude sartuta, edozein arlotako zerga, gastu, tasa eta  
arielak, eta kontratistaren etekin industrialak barne.

2) Ezagutzen ditudala klausula administratibo berezien agiria, baldintza tekniko  
agiria eta kontratua arautuko duten gainerako dokumentuak, eta espresuki onartzen  
ditudala eta guztiari men egiten diodala.

3) Ordezkatzen dudana enpresak betetzen dituela indarrean dagoen araudiak  
irekitzeko, instalatzeko eta funtzionatzeko eskatzen dituen baldintza eta betebeharrak  
guztiak.

.....-(e)an, 20.....ko ..... -(a)ren .....(e)(a)n.

Sinadura



**IBARRAKO UDALA**  
(Gipuzkoa)  
Euskal Herria

Halaber, aurreko a), b) eta e) letretan adierazitako egoerak Euskal Autonomia Erkidegoko Eskaintzaile eta Enpresa Sailkatuen Erregistro Ofizialaren, Estatuko Eskaintzaile eta Enpresa Sailkatuen Erregistro Ofizialaren edota Europar Batasuneko sailkapen ziurtagiri baten bidez egiaztatu ahalko dira, SPKLko 84. artikuluan xedatutakoaren arabera. Kasu horretan, ziurtagiri horrekin batera eskaintzailearen adierazpen erantzule bat aurkeztu beharko da. Adierazpen horretan, ziurtagirian agertzen diren egoerak ez direla aldatu adierazi beharko da.

Aurkeztutako agiriak jatorrizkoak edo Administrazioak nahiz notario batek konpultsatutako edo benetakotzat jotako kopiak izan ahalko dira.

Testu Bateginaren 178.2 artikuluari jarraiki, Udalak negoziatu beharreko eskaintzak murriztu ditzake baldintza plegu honetako irizpideak jarraituta.

Negoiazioa amaituta, haren ondorioz iritzia aldatu duten parte-hartzaileek azken eskaintza bidali beharko dute, ekonomikoki abantailatsuena zer eskaintza den ikusi eta horren arabera eskaintza ekonomiko hoberena hautatzeko.

#### **14.- ADJUDIKAZIOA, FORMALIZATZEA ETA GASTUAK**

Egindako eta amaitutako eskaintzak kontuan hartuta eta, halakorik izan bada, parte-hartzaileekin egindako negoziazioak Politika Feminista zinegotziak espedientea aztertuko du (Udaleko Bitarteko Idazkariarekin bat), eta adjudikazioa Alkate Dekretu bidez emango da..

Kontratazio organoak, neurritz kanpoko edo ez normaltzat joak izan ez diren proposamenak beharazko ordenaz sailkatuko ditu.

Kontratazio organoak, eskaintza ekonomikorik onena egin duen eskaintzaileari, hamar lanegunetako epean, eskakizuna jaso eta hurrengo egunetik hasita, ondorengo ziurtagiriak aurkeztea eskatuko dio:

a) Zerga eta Gizarte Segurantzako betebeharrak bete dituela egiaztatzen duen agiria aurkeztu beharko du.

b) Kontratua gauzatzeko agindutako baliabideak benetan badituela.

c) Bidezkoa den behin betiko bermea eratzea.



**IBARRAKO UDALA**  
(Gipuzkoa)  
Euskal Herria

Eskakizun hori adierazitako epean betetzen ez bada, eskaintzaileak bere eskaintza erretiratu egin duela ulertuko da, eta hurrengo eskaintzaileari eskatuko zaizkio agiri horiek, eskaintzak sailkatuta geratu diren ordenari jarraituta.

Kontratazio organoak dokumentazioa jaso eta hamar egun baliodun igaro baino lehen adjudikatuko du kontratua.

Eskaintza ezingo da hutsik utzi baldintza pleguan ezarritako irizpideekin bat datorren eskaintza edo proposamenen bat egonez gero.

Adjudikazioa arrazoitua izango da eta hautagaiei edo lizitatzzaileei jakinaraziko zaie.

#### **15.- KONTRATUA FORMALIZATZEA**

Kontratua agiri administratibo baten bidez formalizatuko da, gehienez ere adjudikazioaren jakinarazpena jaso eta hamabost egun baliodun igaro baino lehen. Agiri hori aski titulu izango da edozein erregistro publikotan sartzeko. Nolanahi ere, kontratistak eskatu ahalko du kontratuaren eskritura publikoa egitea. Hala bada, berak ordainduko ditu gastuak .

Kontratua formalizatzen denean perfektionatuko da.

#### **16.- KONTRATUA GAUZATZEA**

Kontratua kontratistaren gain eta galorde gauzatuko da, eta ez da azpikontrataziorik onartuko.

Kontratua agiri honetako klausulen arabera beteko da, Administrazioaren zuzendaritza, ikuskapen eta kontrolaren pean. Administrazioak idatziz nahiz ahoz baliatuko du ahalmen hori.

Baldin eta kontratistari edo haren mendeko pertsoneri egotzi ahal zaizkien ekintzengatik edo haiek egin beharreko eginbeharrak ez egiteagatik kontratua ondo ez betetzeko arriskua badago, Administrazioak egoki iritzitako neurriak hartzea exijitu ahalko du, kontratua ondo gauza dadin.

#### **17.- KONTRATISTAREN LANeko BETEBEHARRAK**



**IBARRAKO UDALA**  
(Gipuzkoa)  
Euskal Herria

Kontratistak lan arloko lege xedapenak, Gizarte Segurantza eta laneko segurtasun eta osasun betebeharrak bete beharko ditu, eta Administrazioak ez du erantzukizunik izango kontratistak betebeharrak horiek betetzen ez baditu.

### **18.- KONTRATISTAREN ERANTZUKIZUNA, KONTRATUA BETETZEAN HIRUGARREN BATZUEI EGINDAKO KALTEEI DAGOKIENEZ**

Kontratista izango da kontratua gauzatzeko egin behar diren eragiketen ondorioz sortutako kalte-galeren erantzulea, SPKLko 214 eta 305 artikuluen arabera.

Berme horrek estaliko ditu kontratuari loturiko arriskuak eta bereziki, hirugarren batzuei egindako kalteengatik erantzukizun zibila (orokorra, patronala eta gurutzatua), bai esleipendunaren, bai langileen eta mendekoen egintzen ondorioz sorturiko kalteak, tresnerian izandakoak eta kontratu honen helburu den zerbitzua ematerakoan egindako lanengatik sorturiko kalteak.

### **19.- KONTRATUA ALDATZEA**

Sektore Publikoko Kontratuei buruzko urriaren 30eko 30/2007 Legeko 219. artikuluekin bat etorritik, administrazio kontratu hau interes publikoko arrazoiengatik aldatu ahalko da, I Liburuko V. Tituluan ezarritako kasuetan eta eran, eta 211. artikuluan araututako prozedurarekin bat etorritik. Kasu horietan, kontratazio organoak adostutako aldaketak nahitaez bete beharko ditu kontratistak.

### **20.- KONTRATUA EZ BETETZEAGATIK KONTRATISTARI JARRI AHAL ZAIZKION ZIGORRAK**

#### **A/ KONTRATUA GAUZATZEKO EPEAK**

Baldin eta kontratistak berari egotzi ahal zaizkion arrazoiengatik kontratua garaiz amaitu ez badu, hala epe osoari dagokionez nola, halakorik bada, epe partzialei dagokionez, Administrazioak bi erabaki hauetako bat hartu ahalko du: edo kontratua etetea bermea kenduta, edo egunean eguneko zigorrak jartzea, kontratuaren prezioko 1.000 euro bakoitzeko 0,20ko proportzioan.

Berandutzeagatik zigorrak kontratuko %5eko multiplora iristen diren bakoitzean, kontratazio organoak ahalmena izango du kontratua azkentzeko edota harekin aurrera jarraitzeko, beste zigorrak jarrita.

#### **B/ PRESTAZIOAK PARTZIALKI GAUZATZEA**

Kontratistak berari egoztekoak zaizkion arrazoiengatik kontratuan zehaztutako prestazioetako batzuk bete ez baditu, Administrazioak bi aukera hauek izango ditu: edo



**IBARRAKO UDALA**  
(Gipuzkoa)  
Euskal Herria

kontratua azkentzea, edo zigor bat jartzea, kontratuaren guztizko prezioaren ehuneko 10aren heinekoa.

Prestazioa ondo eman ez bada, Administrazioak kontratuaren aurrekontuaren % 10aren heineko zigorra jarri ahalko du.

Kaudimena 11.e) klausulan ezarritako baliabide material edo pertsonalekin osatzeko betebeharra bete ez bada, Administrazioak kontratuaren aurrekontuaren % 10aren heineko zigorra jarri ahalko du.

Zigor horiek lege ezarritako prozeduraren bidez eraturako bermetik ordainduko dira, eta kontratistak osatu beharko du ondoren bermea, zigorrak ordaintzeko zati bat kendu behar den bakoitzean.

## **21.- KONTRATUA BERTAN BEHERA UZTEKO ARRAZOIAK**

Zerbitzu kontratua bukatzeko arrazoi izango dira SPKLko 223 eta 308. artikuluetan ezarritakoak, eta SPKLko 225. eta 309. artikuluetan adierazitako baldintzetan eta ondoreekin.

## **21.- ADMINISTRAZIOAREN PRERROGATIBAK**

Administrazioari dagokio kontratua interpretatzea, kontratua betetzean sor daitezkeen zalantzak argitzea, interes publikoko arrazoiengatik kontratua aldatzea, amaitzea eta horren eraginak erabakitzea, betiere Sektore Publikoko Kontratuen Legeak eta Administrazio Publikoetako Kontratuen Legeko Araudi Orokorrak ezarritako mugen barruan eta horko baldintza eta eraginak betez.

## **23.- BALIABIDEEN ARAUBIDEA**

Kontratazio honi dagozkion ebazpenek eta izapidezko egintzek, baldin eta azken horiek zuzenean edo zeharka erabakitzen badute gaiaren muinaren gainean, ezartzen badute ezin dela prozedurarekin jarraitu, babesgabekia sortzen badute edo eskubide eta interes legitimoetan kalte konponezina badakarte, Herri Administrazioen Araubide Juridikoari eta Prozedura Administratibo Erkideari buruzko azaroaren 26ko 30/1992 Legean araututako berraztertze errekurso administratiboa jarrai ahalko da, edo, bestela, administrazioarekiko auzien errekurso bat jarri ahalko da, Administrazioarekiko Auzien Jurisdikzioari buruzko uztailaren 13ko 29/1998 Legean araututakoari jarraiki.

Interesdunek gainerako izapidezko egintzen aurka daudela alegatu ahalko dute, prozedura amaitzen duen ebazpenean kontuan har daitezten.



**IBARRAKO UDALA**  
(Gipuzkoa)  
Euskal Herria

#### **24.- DATU PERTSONALEN BABESA**

Kontratazio hau dela-eta, norbanakoen datuak erabili behar badira, kontratistak Sektore Publikoko Kontratuei buruzko Legearen Testu bateratuaren hogeita zazpigarren Xedapen Gehigarrian ezarritako betebeharrak bete beharko ditu, Datu Pertsonalen Babeserako abenduaren 13ko 15/1999 Legeari eta Lege gori garatzen duen araudiari dagokionean.

EGINBIDEA: Jasota geratzeko baldintza administratiboen plegu hau Tokiko Gobernu Batzordeak onartu zuela

Alkatea

Idazkaria



**IBARRAKO UDALA**  
(Gipuzkoa)  
Euskal Herria

## **I ERANSKINA**

### **AITORPEN EREDUA**

Nik, .....jaun/andreak, adinez nagusiak, ..... NAN zenbakia, .....telefono zenbakia eta ..... fax zenbakia ditudan eta ..... helbidea duen honek, honakoa aitortzen dut: herri administrazioarekin kontratatze ahala dudala, jarduteko gaitasuna dudala eta SPKLaren Testu Bateginak (azaroaren 14ko 3/2011 Legegintzako Errege Dekretuak onartua) 60 art.an aurreikusitako inolako ezgaitasun baldintzatzen ez nagoela.

Halaber, aitortzen dut:

- Zerga eta gizarte segurantzeko betebeharretan egunean nagoela, urriaren 12ko APLEOk (1098/2001 ED) 13 eta 14 art.etan aurreikusitako moduan.
- Jarduera Ekonomikoen Zergan alta emanda nagoela eta ez dudala baxarik eman zerga horren matrikulan.

Eta horrela jasota gera dadin eta dagozkion ondorioak izan ditzan "**BERDINTASUN GABINETEAREN KONTRATAZIOA**"n, aitorten hau sinatzen dut .

....., 20.....ko .....ren.....n.

Sinadura.

### **BOSGARRENA:**

#### **5.- ARTXIBOAREN EXPURGOA EGITEKO PROZEDURA HABIAN JARRI**

Artxiboaren garbiketa eta xahuketa egitea ezin bestekoa da Ibarra Udalean. Azken xahuketa 2002. urtean egin zen baina azken 15 urteetan Eusko Jaurlaritzako Balorazio eta Xahuketa zerbitzuak (Dobaubak) serie askoren balorazioak onartu ditu eta ondorioz beharrezko da egun dauden expedienteen azterketa egitea.



**IBARRAKO UDALA**  
(Gipuzkoa)  
Euskal Herria

Xahueketa eta azterketa lana egiteko 9 hilabeteko lana gutxienik aurrikusten da.

Udaletxeetan artxibo sistema inplementatzeko diru-laguntzak urte ezberdinetan jaso daitezke, beraz posible da xahuketa eta garbiketa lana urte batean edo bitan egitea.

Guztira zerbitzua (urte batean edo bitan egin) 64.000 eurotan aurrikusten da (BEZ gabe). Idazkariak adierazten du publizitaterik gabeko prozedura negoziatu bidez egin beharko dela kontratu honen esleipena.

Guztia kontutan izanik hona Tokiko Gobernu Batzordeak, aho batez, harturiko

### **ERABAKIA**

**LEHENENGOA:** Idazkaritzari eskatzea Ibarra artxiboaren xahuketa eta azterketa lana egin dadin behar den prozedura martxan jartzea (publizitaterik gabeko prozedura negoziatua 64.000 eurotako-BEZ gabe-)

Idazkariak berriz jakinarazten dio Tokiko Gobernu Batzordeari Araudiaren plana egitea (plan normatiboa) derrigorrezkoa dela.

Eta bestelako aztergairik ez dagoenez, goiburuko eguneko hamaikak eta hogeita bost direnean, lehendakariak bilera amaitutzat ematen du eta nik, bitarteko idazkari naizen honek, akta hau egiten dut, bertan esandako eta erabakitako guztiaren berri jasoz.